

SENTENCIAS ESCOGIDAS


DE SAN JUSTINO,

Correspondientes al capítulo II. art. IV.

I. Si quæ scriptura proponatur in speciem, quæ videatur esse alteri contraria, cum persuasum habeam nullam his inesse contradictionem mutuam, citus fatebor me quæ dicuntur non intelligere, & ut de scripturis idem sentiant persuadere conabor adversariis. (*Dialog. cum Triph. n. 65.*)

II. Quicumque proximum ut seipsum diligit, quidquid boni sibi cupit, & illi cupit pariter: nemo autem sibi ipsi male vult; eadem igitur quæ sibi, proximo quoque optabit, & faciet, quisquis proximum ut seipsum diligit. (*Ibid.*)

III. Credendum est hunc Mundum alienum esse, & in eo nihil proprium, nisi Fidem & Religionem. (*Epist. ad Zen. & Ser.*)



SENTENCIAS ESCOGIDAS

DE SAN IRENEO,

OBISPO DE LEON DE FRANCIA,

Correspondientes al capítulo II. art. IV.

I. Justis & præcepta ejus servantibus, & in dilectione ejus perseverantibus, quibusdam quidem ab initio, quibusdam ex poenitentia, vitam donans, incorruptelam loco muneris confert, & claritatem æternam circumdat. (*Adv. hæres. lib. I. cap. 10.*)

II. Melius est nihil omnino scientem quempiam, ne quidem unam causam cujuslibet eorum quæ facta sunt; cur factum, & credere Deo & perseverare in ejus dilectione quæ hominem vivificat; nec aliud inquirere ad scientiam, nisi Jesum Christum Filium Dei, qui pro nobis crucifixus est, quam per quæstionum subtilitates, & multiloquium in impietatem evadere. (*Lib. 2. cap. 26.*)

III. Tantæ igitur ostensiones cum sint, non oportet adhuc quærere apud alios veritatem, quam facile est ab Ecclesia sumere; cum Apostoli, quasi in depositarium dives, plenissime in ea contulerint omnia, quæ sint veritatis; uti omnis quicumque velit sumat ex ea potum vitæ. (*Lib. 3. adver. hæres. cap. 4.*)

IV. Magi per ea, quæ obtulerunt munera, ostenderunt, quid erat, qui adorabatur. Myrrha quidem, quod ipse erat, qui pro mortali genere moreretur, & sepeliretur. Aurum vero, quoniam Rex, cujus regni finis non est. Thus vero, quoniam Deus, qui & notus in Judæa factus est, & manifestus eis, qui non quærebant eum. (*Lib. 3. cap. 9.*)